

四庫全書

集部

欽定四庫全書

集部

文苑英華卷三百六十八至

詳校官太僕寺少卿_臣李廷欽

助教_臣常循覆勘

總校官進士_臣朱 鈐

校對官中書_臣王鍾泰

謄錄監生_臣張 鱗

欽定四庫全書

文苑英華卷三百六

宋 李昉等 編

悲悼六

墳墓五十五首

經孫氏陵

何遜

見類聚

在昔炎靈厭神器若無依逐兔爭先捷倚鹿競因機呼
吸開霸道咤叱掩江畿豹變分奇畧虎視肅戎威長蛇
斂巴漢真馬絕淮淝交戰無內禦重門豈外扉成功終

已棄凶德復而遠水龍忽東驚青蓋乃西歸
碣來易永
久年代曖微微苔石疑文字荆墳失是非
山鴛空曙響
墮月自秋輝銀海終無浪金鳧會不飛
聞闐今如此望
望沾人衣

悲行路孤墳

前人

行路一孤墳路成墳已毀空疑年歲積不知陵谷徒幾
經秋葉飛

初學記
作黃

驟見春流瀾金蚕不可織玉樹何曾

葦陌上驅馳人笑歌自侈靡今日非明日所念誰憐此

遊朝山悲古塚

虞 騫

見初學記

長林帶朝夕

一作霧

孤嶺枕江村
疎松含白水
密篠滿平

原荒墳改凍
葉低壑變年
根西光長
檜落促爾
膝前樽

經陳思王墓

庾肩吾

公子獨憂生
丘壑擅餘名
採樵枯樹盡
犁田荒隧平
寧

追晏平樂詎
想謁承明
且余來錫命
兼言事結成
飄颻

河朔遠颺

一作颺

颺風郊鳴鴈
與雲俱陣沙
將蓬共驚枯

葉落古

一作故

社寒鴉歸

一作思

孤城墉水哀
葭曲漁陽慘

鼓聲離家未遠客安得不傷情

行經古墓

陰

鏗

見初學記

偃松將古墓年代理當深表柱應堪燭碑書欲有金迥
墳由路毀荒隧受田侵霏霏野露合昏昏隴日沉懸劍
今何在風揚空自吟

遇徐君墓

周無名法師

延陵上國返枉道訪徐公死生命忽異懼娛意不同始
往卽山北聊踐平陵東徒解千金劍終恨九泉空日盡

荒郊外烟生松柏中何言愁寂寞日暮白揚風

聘齊經孟嘗君墓

陳昭

薛城觀舊跡征馬屢徘徊盛德今何在唯餘長夜臺蒼
茫空隴路傾頽古松栽悲隨白楊起淚想雍門來泉戶
無關吏鷄鳴誰為開

春夕經行留侯墓

盧思道

少小期黃石晚年遊赤松應成羽人去何忽掩高封踈
蕪桃絕野邈迤帶斜峯墳荒隧草沒碑碎石苔濃徂秦

懷猛氣師漢挺柔容盛烈芳千祀深泉閉九重夕風吟
牽樹遲光落下春

見淮南子

遂令懷古客揮淚獨無從

過張平子墓

駱賓王

西鄂該道理南陽擅德音玉卮浮藻麗銅渾積思深忽

懷今日昔非復昔時今日落

集作往

豐碑暗風來古木吟

唯歎窮泉下終鬱羨魚心

邙山

沈佺期

北邙山上列墳塋萬古千秋對洛城城中日夕歌鍾起

山下唯聞松柏聲

比干墓

徐彥伯

大位天下寶維賢國之鎮殷道微而在受辛篡頽循山
鳴鬼又哭地裂川亦震媒黷皆佞諛度劉盡英雋孤卿
帝叔父特進貞而順玉牀逾皜潔銅柱方敲煥奉國歷
三朝觀竅明一瞬季代猖狂主蓄怒提白及之子彌忠
謹憤然更勇進撫膺逝隕越知死故不恡已矣竟剖心
哲婦亦同殉驪龍暴雙骨太岳推孤及周發次商郊寃

骸悲莫殫劍鋒殲遺孽報復一何迅駐罕歌淑靈命徒
封旅櫬自爾銜幽酷于嗟流景駿邱墳被宿莽壇所緣
飛燐貞觀戒下征維皇念忠信荒墳護草木刻楠吹煨
燼代遠思更崇身頽名並振帝詞書藥石國饌羅芳艸
偉哉烈士圖竒英千古狗

題東山子李適碑陰

并序

前人

噫嘻李公生自號東山子死葬東山豈其識哉神交者
歌薤露以送子歸東山焉人三章章八句合一十五章

鑄于碑陰云

序云人三章合十五章則當有五
人姓名今止存徐詩又止二章

隴障縈紫氣

一作
氛

金光赫氤氲美人含遙靄桃李芳

一作

方自薰圖高黃鶴羽實奪驪龍羣忽驚薤上露曲掩

一作

噓東山雲回也實天折賈生亦脆促今復衰若人危光

迅風燭曙臺淪清鏡窮塵掩結綠何以贈下泉生芻唯

一束

過懷王墓

張說

嗟伊集作
伊嘍不可信以是

集作
似此

敗懷王客死峽關路返葬

岐江陽啼猿

一作飲

抱山月饑狐獵野霜一聞懷沙事千

載盡悲涼

和黃門盧監望秦始皇陵

張九齡

秦帝始求仙驪山何遽卜中年既無効茲地所宜復徒
役如雷奔珍恠亦雲蓄黔首無寄命赭衣相馳逐人怨
神亦怒身死宗遂覆土崩失天下龍闕入函谷國為項
籍屠君同華元戮始掘既由楚終焚乃因牧上宰議

一作

義
揚賢忠阿感桓連一聞過秦論載懷空杼軸

郢城西北邊有大古塚數十觀其封域多是楚
諸王而年代久遠不復可識唯直西有樊妃
塚因後人為植松柏故行路盡知之

前人

蘋藻生南澗蕙蘭秀中林嘉名有所在芳氣無幽深楚
子初逞志樊妃嘗獻箴能令更擇士非直罷從禽舊國
皆湮滅先王亦莫尋唯傳賢媛壠猶結後人心牢落山
川意蕭條松柏陰跛牂集作破墻時直上荒徑或斜侵惠問

終不絕風流獨至今
千春思窈窕黃鳥復哀音

過始皇墓

時年二十
集作十五

王維

古暮成蒼嶺幽宮象紫臺
星辰七曜隔河漢九泉開
有海人寧渡無春鴈不迴
更聞松韻切疑是大夫哀

行次昭陵十二韻

杜甫

舊俗疲庸主羣雄問獨夫
識歸龍鳳質威定虎狼都
天屬尊堯典神功協禹謨
風雲隨逸集作絕足日月繼高衢
文物多師古朝廷半老儒
直詞寧戮辱賢路不崎嶇
往

者災猶降蒼生喘未蘇指麾安率土盪滌撫洪鑪壯士

悲陵邑幽人拜鼎湖玉衣晨自舉石

集作
鉄

馬汗嘗驅松

柏瞻虛

集作
靈

殿塵沙暗

集作
立

指逆寂寥開國日流恨滿

山隅

適思

顏 胄

芳歲不我與颯然涼風生繁華掃地歇蟋蟀克堂鳴感
物增憂思奮衣出遊行行值古墓林白骨下縱橫田豎

鞭蠲髀村童掃

一作
搖

精靈精靈無柰何像設安所榮

一作

營石人徒瞑目表柱燒無聲試讀碑上文乃是昔時英
位極君詔葬勲高盈忠貞寵終禁樵採立嗣脩墳塋運
否前政缺羣盜多蚊虻即此邱壠壞鐵心為雷纓當其
崇樹日豈意侵辱併冥漠生變故淒涼結幽明悲端豈
自我外物紛相縈所適非所見前登江上城倚樓臨綠
浸一作水一望解傷情

王龍驤墓

賈彥璋

昔擅登壇寵爰光典午朝刀懸臨益夢龍啟渡江謠茂

績當年舉英魂此地銷唯餘孤壠上日夕起松飈

昭君墓

常建

漢宮豈不死異域傷獨沒萬里馱黃金蛾眉為枯骨迴
軍夜出塞立馬皆不發共恨丹青人墳上哭明月

長沙桓王墓下別李紆張南史

已見二百
八十七卷

劉長卿

經漂母墓

劉長卿

見集
本

昔賢懷一飯茲事已千秋古墓樵人識前朝楚水流渚

蘋行客薦山木杜鵑愁春草茫茫綠王孫舊此遊

驪姬墓下作

夷吾重耳墓隔河相去十三里

岑參

驪姬北原上閉骨已千秋澮水日東注惡名終不流獻
公恣耽惑視子如仇讐此事成蔓草我來逢古邱蛾眉
山月苦蟬鬢野雲愁欲弔二公子橫汾無輕舟

虹縣嚴孝子墓

劉灣

堂孝教因心

一作不及

天然得

一作因天

所資禮聞三年喪爾

一作汝獨終身期下由骨肉思上報母父慈禮聞哭有卒

爾一作汝獨哀無時前有松柏林荆蓀一作棘結朦朧墓門

白日閒一作閑泣血黃泉中草服被枯骨垢容戴飛蓬舉

聲哭蒼天萬木皆悲風

經徐侍郎墓作

顧況

不知山吏部墓作石橋東宅兆鄉闕異平生翰墨空夜
泉無曉日枯樹足悲風更想幽冥事唯應有夢同

路傍墓

耿緯

石馬雙雙當古樹不知何代公侯墓墓前菲菲春草深

唯有行人看碑路

周平西墓

權德輿

英威今寂寞陳跡對崇邱壯志清風在荒墳白日愁窮
泉那復曉喬木不知秋歲歲寒塘側無人水自流

蘇小小墓

前人

萬古荒墳在悠然我獨尋寂寥紅粉盡冥漠

集作黃泉

深蔓草映寒水空郊暖夕陰風流有佳句吟眺一傷心

宮人斜絕句

前人

一路斜分古驛前
陰風切切晦秋煙
鉛華新舊共冥冥

日暮愁鴉

一作鴉

飛野田

去歲自刑部侍郎貶潮州刺史乘驛之官其後

家亦謫逐小女道死瘞之層峯驛之山下今

過其墓留題驛梁

韓愈

數條藤束木皮棺
草殯荒山白骨寒
驚恐入心身已病
扶舁沿路衆知難
繞墳不暇號三匝
設祭惟聞飯一盤
致汝無辜由我罪
百年慚痛淚闌干

弔友人李元賓墓

孟郊

曉上荒涼原吊彼寂寥

集作冥冥

魂眼咽此時淚耳悽在日

言冥冥

集作寂寂

千萬年墳鏤古

集作孤

松根

題梁宣皇帝陵二首

呂溫

即讎終自剪覆國豈為雄假號孤城裏何如在角東

二

祀夏功何薄尊周義不成悽涼庾信賦千載共傷情

真娘墓

其墓前乃席邱寺也

白居易

真娘墓虎邱道不識真娘鏡中面唯見真娘墓頭草霜
摧桃李風折蓮真娘死時猶少年脂膚莢手不牢固世
間尤物難留連難留連易銷歇塞北花江南雪

過京索先生墳

賈島

京索先生三尺墳秋風漠漠吐寒雲從來有恨君多哭
今日何人更哭君

經李白翰林墓

許渾

氣逸何人識才高舉世疑禰生狂善賦陶令醉能詩碧

水鱸魚興

集作怨

青山鵬鳥悲不堪遺

集作至今孤

塚在荆棘

楚江湄

經李白墓

項斯

夜郎歸未老醉死此江邊
葵闕官家禮詩殘樂府篇
遊魂應到蜀小碣豈旌賢
身沒猶何罪遺墳野火燃

過北海墓二十韻

溫庭筠

撫事如神遇臨風獨涕零
墓平春草綠碑折古苔青
珪玉埋英氣山河孕炳靈
發言驚辨囿揮翰動文星
蘊策

期干世持權欲反經激揚思壯氣

集作志

流落歎顏齡惡

木人皆息貪泉我獨醒輪轅無匠石刀几有庖丁碌碌

迷藏器規規守挈瓶憤容陵鼎鑊公議動朝廷故國將

辭寵危邦竟緩刑上卿廉

集作鈍
工磨

白壁凡石礪青萍揭

月昭東夏搏風滯北溟後塵遵軌轍前席詠儀刑木秀

當憂悴絃傷不底寧矜誇遭尺鷃光彩困飛螢草羽留

談柄清風襲德馨鸞凰嬰雪刃狼虎犯雲屏蕙蘭荒遺

址榛蕪蔽舊垆羨君雖不祿猶得到明庭

集作輟轅遠
沂水何事戀

明庭

過陳琳墓

前人

曾於青史見遺文，今日飄蓬過此墳。集作古詞客有靈應

識我，霸才無主集作此始亦憐君。石麟埋沒藏春草，銅雀荒

涼對暮雲。莫恠臨風倍惆悵，欲將弓劍學從軍。

過蔡中郎墓

前人

古墳零落野花春，聞說中郎有後身。今日愛才非昔日，
莫拋心力作詞人。

始皇陵下作

曹

鄴

見詩選

千金買魚燈泉下照狐兔行人上陵過却弔扶蘇墓纍
纍壙中物多於養生具若使山可移應將秦國去舜歿
雖在前今猶未封樹

過比干墓

聶夷中

殷辛帝天下厭為天下尊乾綱既一斷賢愚無二門佞
是福身本忠作喪已源餓虎不食子人無骨肉恩日影
不入地下埋冤死魂腐骨集作肉不為土應作石木根余

來過此鄉下馬弔此墳靜念君臣間有道誰敢論

一作有誰

敢抗論

真娘墓

在虎邱西寺內

張祜

佛地葬羅衣孤魂此是歸舞為蝴蝶夢歌謝伯勞飛翠

髮朝雲斷

集作在

青娥夜月微傷心一花落無復戀春暉

題蘇小小墓

前人

漠漠窮塵地蕭蕭古樹林臉濃花自發眉恨柳長深夜
月人何待春風鳥為吟不知誰共穴徒願結同心

長江縣經賈島墓

鄭谷

水繞荒墳縣路斜
耕人訝我久咨嗟
重來兼恐無尋處
日落風吹鼓子花

經徐稚墓

陳陶

邾鄆妖興炎漢衰
先生南國卧明夷
鳳凰屢降玄鍾禮
瓊石終藏烈火詩
禁掖衣冠加宋鵲
湖山耕釣没堯時

一作千年壠樹何人哭
寂寞蒼苔內史碑

宮人科

陸龜蒙

草樹愁烟似不春
曉鶯夜怨問行人
須知一種埋香骨
猶勝昭君作虜塵

燕昭王墓

羅隱

戰國蒼茫難重尋
此中踪跡想知音
強停別騎山花曉
欲吊遺魂野草深
浮世近來輕駿骨
高臺何處有黃金
思量郭隗平生事
不殉昭王是負心

經耒陽杜工部墓

前人

紫菊馨香覆楚醪
奠君江畔雨蕭騷
旅魂自是才相累

閒骨何妨塚更高
駮驥喪來輕蹇蹶
芝蘭衰後遠集作長
蓬蒿屈原宋玉憐
居處幾駕青螭緩
藟陶

蘇小小墓

前人

魂兮攜李城猶未
有人耕好月當年
事殘花觸處情何
誰曾艷冶隨分得
聲名應侍吳王宴
蘭橈暗送迎

始皇陵

前人

花堆無草樹無枝
嬾向行人語集作問
昔時六國英雄漫
多事到頭徐福是
男兒

王濬墓

前人

男兒未必盡英雄，但到時來即命。集作命，即通。若使吳都猶
旺氣，將軍何處立殊功。

孟浩然墓

前人

數步荒榛接舊蹊，寒郊

集作江

漠漠雨淒淒。

集作草，萋萋。

鹿門

黃土無多少，恰到書生塚便低。

古塚

曹松

代遠已難問，纍纍次古城。民田侵不盡，客路踏還平。作

穴地分蟄依岡鹿遠行唯應風雨夜鬼火出林明

長陵

唐彥謙

長陵高闕此安劉附葬纍纍盡列侯豐上舊居無故里
沛中原廟對荒丘耳聞英主提三尺眼見愚民盜一杯
千載豈儒騎瘦馬渭濱斜日重迴頭

文苑英華卷三百六

欽定四庫全書

文苑英華卷三百七

宋 李昉等 編

悲悼七

第宅五十九首

入元襄王第

蕭子範

伏軾窺東苑收淚上

類聚作下

玉橋昔時方較處於今共寂

寥夾竹

一作

池猶裏裏仙樹

類聚作樹

尚迢迢一同西靡栢徒

思芳樹蕭

和蕭子範入元襄王第

王筠

昔入睢陽苑連步披風雲今遊故臺處回望闐無聞皓
壁留餘篆蕙圃有遺芬行人皆隕涕何獨孟嘗君

行經范僕射舊宅

何遜

旅葵應蔓井荒藤已上扉寂寞空郊暮無復車馬歸
澗澗故池水蒼茫落日暉闐寂今如此行路類聚作客盡沾衣

過康王第宅

舊色

初學記作舊邑

劉孝威

初學記作儀

入梁逢故苑，波薛見餘宮。
尚識招賢閣，猶懷愛士風。
靈光一超遠，衡館復朦朧。
洞門餘舊色，甘棠留昔叢。
送禽悲不去，過客慕難窮。
池竹徒如在，林堂暖已空。
遠樓隔樹出，迴澗隱崖通。
芳流小山桂，塵起大王風。
疊押風字 具物咸如此，是地感余衷。
空想靈一作前劍，徒悲瓏上桐。
一作童

奉和東宮經過故妃舊殿 江總

故殿看看冷，空階步步悲。
猶憶窺窓處，還如解珮時。
苔

生無意早驚入到宮

類聚作
有言

遲苦令歸就月照見不須

疑

南還

一作
行

尋草市宅

前人

紅顏辭鞏洛白首入鞆鞆乘春行

一作
還

故里徐步採芳

蓀徑毀悲求仲

三輔決錄蔣詡舍中竹下開
三徑惟羊仲求仲與之遊

林殘憶巨

源見桐猶識井看柳尚知門花落空難遍鶯啼靜易喧

無人訪語默何處叙寒溫百年共

一作
獨

如此傷心誰

一作

豈

復論

一作藝文類聚

過故宅

元行恭

顏城百戰後荒宅四隣道將軍樹已折步兵途轉窮吹

臺有山鳥歌庭聒夜

一作野

蟲草深斜暹滅水盡曲池空

滿中送

一作林中

明月是處來春風唯餘一故

一作廢

井尚

夾兩株桐

冬日過友

集作故人

任處士書齋

見三百十七卷

駱賓王

過史正議宅

宋之問

舊交此零落雪泣訪遺塵
劍杭傳好事池臺傷故人
國香蘭已歇里樹橋猶新
不見吳中隱空餘江海濱

過庾信宅

張說

集本見

蘭城追宋玉舊宅偶辭人
筆涌江山氣文驕雲雨神
包胥非救楚隨會返留秦
獨有東陽守來嗟古樹春

陳拾遺故宅

杜甫

拾遺昔日

集作平昔

居大屋尚脩椽
悠揚荒山日摧窳

集作慘澹

故國煙位下曷足傷
所貴者聖賢有才繼
騷雅哲匠不

比肩公生揚馬後名與日月懸同遊英俊人多秉輔佐

權彥昭超玉價

中宗時趙彥昭因權幸得相

郭振起通泉到今素壁

涓灑翰銀鈞連盛事會一時此堂豈十年終古立忠義

感遇有遺篇

過故斛斯校書莊

沒後方受一官公名融

前人

此老已云沒隣人嘆未休竟無宣室召徒有茂陵求妻
子寄他食園林非昔遊堂空總緋在浙浙野風秋

謝公宅

李白

青山日將暝寂寞謝公宅竹裏無人聲池中有虛白

集作

月荒庭衰草遍廢井蒼苔積惟有清風閑時時起泉石

長沙過賈誼宅

劉長卿

三年謫宦此棲遲萬古唯留楚國悲秋草獨集作尋人

去後寒林空見日斜時漢丈有道恩猶薄湘水無情弔

豈知寂寞江上正搖落

集作寂寞江上搖落處

憐君何事到天涯

過裴舍人故居

前人

慘慘寒天獨閉

集作掩

局紛紛黃葉落空庭孤墳何處倚

山木百口無家汎

集作學

水萍離花猶及重陽發隣笛那

堪落日聽書幌無人長不卷秋來芳草自為螢

客自江南話過亡友朱司議故宅

包估

交臂多相共風流憶此人海翻移里巷書蠹積埃塵奉
佛棲禪久辭官上疏頻故來分半宅唯是舊交親

題清源寺王右丞宅陳

集作塵

跡

耿緯

儒墨兼宗道雲泉蘓結廬孟城今寂寞輞水自紆餘內
學銷多累西園林集作易故居深房春竹老細雨夜鍾踈
塵跡流金地遺文在石渠不知登座客誰得蔡邕書

過湖上觀王右丞遺文

司空曙

舊日相知盡深居獨一身閉門空集作有雪看竹永無

人每許前山隱曾憐陋巷貧題詩今尚在暫為拂留集作

流塵

襄陽過孟浩然舊居

陳羽

襄陽城郭春風起
漢水東流去不還
孟子死來江樹老
煙霞猶在鹿門山

從事淮南府過亡友楊校書舊廳感念情

集作
愀

然因書十韻

權德輿

故人隨化往倏忽
今六霜及我就拘限
清風留此堂松竹
愈映鬱

集作
蔚

芝蘭自銷亡
絕絃罷流水
聞笛同山陽

預如冰玉姿
粲若鸞鳳章
欲翫推勁翮
先秋落貞芳
正

平賦鸚鵡文考頌靈光二子古不弔夫君今何傷黃壚
既杳杳玄化亦茫茫豈必限集作恨宿草含淚洒衣裳

尋李逸人舊居

于鵠

舊隱松林下衝泉入兩崖琴書隨子弟鷄犬在隣家茅
屋長黃菌槿籬生白花幽墳無處訪恐是入煙霞

愴故人舊居

釋護國

惆悵至日暮寒鴉青樹林破階苔色厚殘壁雨痕深命
與時不遇福為禍所侵空餘竹徑在今一作令我嘆人吟

秋日題陳宗儒圃亭悽然感舊

楊巨源

曾隨何水部待月東亭宿今日重凭欄清風空在竹前
山依舊碧閑草經秋綠時物方宛然蛛絲一何速

經趙處士居

楊衡

雲居避世客髮白習儒經有地水空綠無人山自青廢
梁悲逝水卧木思荒庭向夕霏煙歛徒看處士星

余夙慕陶公淵明為人往歲渭上閑居常劾陶

體詩十六首今遊廬山經柴桑過栗里思其人訪其宅不能默默又題此詩

白居易

垢塵不污玉靈龜

集作
鳳

不啄羶嗚呼陶靖節生彼晉宋

間心實有所守口終不能言永惟孤竹子披衣首陽山

夷齊各一身窮餓未能

集作
為

難先生有五男與之同饑

寒腸中食不克身上衣不完連徵竟不起斯可謂真賢
我生君之後相去五百年每讀五柳傳日想心拳拳昔

常詠遺風著為十六篇今來訪故宅叅

集作森

若君在前

不慕樽有酒不慕琴無絃慕君遺名

集作榮

利老死在邱

集作在此

園柴桑古村落粟里舊山川不見籬下菊但餘墟

中煙子孫雖無聞族氏猶未遷每逢姓陶人使我心悽

然

同諸客題于家公主舊宅

前人

平陽舊宅少人遊應是遊人到即愁布

一作春

穀鳥啼桃

李院絡絲蟲怨鳳凰樓臺傾滑石猶殘砌簾動真珠不

滿鈞聞道至今簫史在鬢鬚

一作髭

雪白向韶

集

州

迢孟浩然舊居

朱慶餘

命合終山水才非不稱時塚邊空有樹身後更

一作獨

無

兒散盡詩篇本長存道德碑平生誰見重應只是王維

廢宅

前人

古巷棘門誰舊宅早曾聞說屬官家更無新燕來巢屋
唯有閑人去看花荒廡欲摧塵滿榭小池初涸草侵沙
榮華事歇多如此立馬踟躕對日斜

過侯王故第

于武陵

過此一酸辛行人淚有痕獨殘新碧樹猶擁舊朱門歌

歇雲應

詩選
作初

散簷空燕尚存不知彈鋏客何處感深

詩選

新作
新思

過魏丈貞公宅

杜牧

蟪蛄寧與雪霜欺賢士難教俗士知可憐貞觀太平後
天且不留封德彝

經

集作
題

倪處士舊居

許渾

儒翁九十餘，舊向此村

集作山

居生寄一壺酒，死留千卷

書欄，摧新竹少池淺，故蓮踈，但有小孫

集作子

在帶經還

荷鋤

經故李拾遺郊

集作給事

居

前人

歸作儒翁出致君北

集作故

山誰復有移

一作遺

文漢庭使

氣摧張禹譙國懷憂送范雲楓葉暗時迷，舊宅茅花落

處認荒墳，朱絲

一作弦

一奏沉湘曲

集作怨

風起寒波

一作波

日欲曛

遊朱陂故太保杜公池亭

前人

杜陵池榭倚城東，孤島迴汀路不窮。
高岫乍疑三峽近，遠波初似五湖通。
楸梧葉暗瀟瀟雨，菱荇花香淡淡風。

還有昔時

集作年

巢燕在飛來，飛去畫堂空。

集作中

題江令公舊宅

前人

身沒南朝宅已荒，邑人猶賞舊風光。
芹根生葉石池淺，桐樹落花春井香。
帶暖山蜂巢盡閣，欲陰溪燕集書堂。
閒愁比地更南望，潮滿臺城春草長。

過湖州李郎中舊宅

集作傷湖州李郎中

前人

政成身沒共興衰
鄉路兵戈旅櫬迴
城上暮雲凝鼓角
海邊春草閉池臺
經年未葬佳人散
昨日因齋故吏來

南北相逢皆掩淚

集作欲過洞庭還倚棹

白蘋洲上一

集作暖日花開

經杜甫舊宅

殷陶

浣花溪裏花多處
為憶先生在蜀時
萬古只應留舊宅
千金無復換新詩
沙棚一作崩水檻鷗飛盡
樹壓村橋馬

過蓬山月不知人事變夜來江上與誰期

過伊僕射舊宅

李商隱

朱邱方酌力戰功華筵俄歎逝波窮迴廊簾斷燕飛出

小閣塵凝人語空幽砌

集作
淚

欲乾殘菊露餘香猶入敗

荷風何能更涉龍江去獨立寒沙

集作
流

弔楚宮

鴻臚寺有開元中錫宴堂樓臺池沼雅為勝絕

荒涼遺趾僅有存者偶成四十韻

溫庭筠

明皇昔御極神聖垂耿光沉機發雷電逸躅陵堯湯西
單積石山北至窮髮鄉四凶有獬豸一臂無螳螂嬋娟
得神艷郁烈聞國香紫絳鳴羯鼓玉管吹霓裳祿山未
封侯林甫才為郎昭融廓日月安帖安紀綱羣生到壽
域百辟趨明堂四海正夷宴一塵不飛揚天子自猶豫
侍臣宜樂康軋然閭闔開赤日生扶桑玉砌露盤紆金
臺漏丁當劔珮相擊觸左右隨淒鏘玄珠十二旒紅粉
三十行盼盼生羽翼一作嗟迴雪霜神霞陵雲閣春

水驪山陽盤鬪九子棕甌擊五雲漿雙瓊京北博七鼓
邯鄲倡毡毳碧鷄鬪籠葱翠雉場仗官繡蔽膝寶馬金
鏤錫椒塗隔鸚鵡拓彈驚鴛鴦倚歟華國臣鬢髮俱蒼
蒼錫宴得幽致車從真煒煌畫鷁照魚鼈鳴騶亂鷺鶴
颭灑蕩碧波炫煌迷橫曠縈盈舞迴雪宛轉歌遶梁豔
帶畫銀絡寶梳金鈿筐沈真類漢相醉倒疑楚狂一旦
紫微東胡星森耀芒憑陵逐鯨鯢唐突驅犬羊縱火三
月赤戰塵千里黃殺函與府寺從此俱荒涼茲地乃蔓

草故墓摧壞墻枯池接斷岸唧唧啼寒螿敗荷塌作泥
死竹森如搶遊人問老吏相對聊感傷豈不見麋鹿然
後堪迴腸幸今遇太平令節稱羽觴誰知曲江場歲歲
棲鸞凰

經故秘書崔監揚州南塘舊居

前人

昔年曾識謝宣城

集作范安成

松竹風姿鶴性情唯向蘓山

留月色偶逢秋澗似琴聲

集作西掖曙河橫浦響北山秋月照江聲

乘舟覓

吏經輿縣為酒求官得步兵玉柄寂寥譚客散却尋池

閣淚縱橫

集作十頃水流通故
聖至今留得謝公名

過賀監舊宅

集作秘書省賀監知章草題詩筆
力道健風尚高遠拂塵尋玩因有

此作

前人

越溪漁客賀知章任達憐才愛酒狂
瀟瀟葦花隨釣艇

蛤蜊菰葉夢橫塘幾年涼月拘華省
一宿秋風憶故鄉

榮路脫身終自得福庭回首莫相忘
出羣

集作

鸞鶴辭

集作

歸 遼海落筆龍蛇滿壞墻
李白死來無醉客可憐神

彩吊殘陽

宿杜城亡友李羽處士故墅

一作里

前人

柳不成絲草帶煙海槎東去鶴歸天愁腸斷處風

集作春

何恨病眼開時月正圓花若有情還悵望水因無事莫

潺湲終知此恨難消遣

集作消
難盡

辜負南華第二篇

經陸補闕故居

集作過姚
監故居

方干

不敢要君徵亦起致君全得似唐虞謹言昨歎離天聽

新塚今聞入縣圖
琴鎖壞窻風自觸
鶴歸喬木日集作月
難呼學詩弟子
何人在檢點
猶逢諫草無

經郭汾陽宅

趙嘏

門前不改舊山河
破虜曾輕馬伏波
今日獨經歌舞地
古槐踈影夕陽多

重經巴邱追感開成初陪故員外從翁詩酒遊

泛作

李羣玉

昔年高接李膺歡
日泛仙舟醉碧瀾
詩句亂隨青草發

酒腸俱逐洞庭寬，浮生聚散雲相似。往事微茫夢一般。

今日片帆城下過。

集作去

秋風回首淚闌干。

經故宅有感

周 繇

身沒南荒雨露賒，朱門空鎖舊繁華。池塘鑿就方通水，
桃杏栽成未見花。異代圖書藏幾篋，傾城羅綺散誰家。
昔年埏埴生靈地，今日生人為嘆嗟。

襄州漢陽王故宅

皮日休

碑字依稀廟已荒，猶聞耆舊憶賢王。園林一半為他主，

山水虛言是故鄉
戟戶野蒿生翠瓦
舞樓栖鴿汙雕梁
柱天功業緣何事
不得終身似霍光

陳先輩故居

前人

杉桂交陰一里餘
逢人渾似洞天居
千株橘樹唯沽酒
十頃蓮塘不買魚
藜杖閑來侵徑竹
角巾端坐滿樓書
襄陽無限煙霞地
難覓幽竒似此殊

過陶潛故宅

崔塗

陶令昔居此
弄琴遺世榮

詩選
作情

田園三畝綠
軒冕一銖

輕衰柳自無主白雲猶可耕不隨陵谷變應祇
詩選是作有

高名

經廢宅

杜荀鶴

人生當貴盛脩德可延之不慮有今日爭教無破時

斑題字壁花發帶巢枝何況高集作原上荒墳與折碑

經宣城元員外山居

張喬

無人襲仙隱石室閉空山避燒猿猶到隨雲鶴不還
澗荒巖影在橋斷樹陰閑但有黃河賦長留在世間

經九華山費徵君故居

故一作山

前人

草堂蕪沒後來往問樵翁
斲石荒林外孤墳晚照中
數溪分大野九子立寒空
煙壁曾行處青雲路不通

經隱巖懷舊遊

前人

夜久村落靜徘徊楊柳津
青山猶有路明月已無人
夢寐空前事星霜倦此身
常期結茅處來往躡遺塵

費徵君舊居

張蠙

浮世拋身外，棲蹤入九華。
遺篇補樂府，舊籍隸仙家。
池靜龜昇樹，庭荒鶴隱花。
古來天子命，還少到煙霞。

傷俠

一作俠第

羅鄴

世間榮辱半相和，昨日權門今雀羅。
萬古明君方納諫，九江遷客更應多。
碧池草熟人偷釣，畫戟春閑鶯亂過。
幾許樂僮無主後，不離隣巷教笙歌。

傷平泉莊

前人

生前幾到此，池臺尋歎投荒去。
不回若遣春風解人意。

此枝盡合向南開

河中經故翰林張舍人所居 羅隱

行塵不是昔時塵，謾向朱門憶侍臣。
一榻已無開眼處，

九泉應有愛才人。文餘吐鳳當集作他年，詔樹想栖鸞舊。

日春從此深恩更集作思深轉難報，夕陽衰草獨集作淚沾巾。

瓊華觀經故友所居 前人

槐花漠漠向人黃，此地逍遊跡已荒。
清論不知蒙集作莊

叟，達死交空歎趙岐。亡集作忙病來未忍言閑事，老去唯

應

集作知

覓醉鄉日暮街東策羸馬一聲橫笛似山陽

清溪江令公宅

前人

鸞牋象管夜深時曾賦陳宮第一詩讌罷風流人不見

廢來蹤跡草應知

集作何宜

鶯鶯憐勝事啼空谷

集作卷

蝶戀餘

香舞好枝還有往年金甃井牧童樵叟等閒窺

岐王宅

唐彥謙

朱邱平臺隔禁闈貴遊陳跡尚依稀雲低雍時祈年去
雨細長楊從獵歸申白賓朋傳道義應劉文彩寄音徽

承平舊物唯君

名一作

盡猶寫雕鞍伴六飛

文苑英華卷三百七

欽定四庫全書

文苑英華卷三百八

宋 李昉等 編

悲悼八

懷古四十八首

郢城懷古

李百藥

客心悲暮序登墉瞰平陸林澤宵芊眠山川鬱重複霸

功

文粹作
王君

資設險名都距江澳方城次北門溟海窮南

服長策挫吳豕雄圖競周鹿萬乘重沮漳九鼎輕伊穀

大蒐雲夢掩壯觀，章華築人世更盛。衰吉凶良倚伏遽，
見隣交斷仍覩賢。臣遂南風忽不競，西師日侵虜。運圯
屬驅除，時屯恣敲扑。莫救夷陵火，無復秦庭哭。鄢郢遂
邱墟，風塵俄慘黷。狐兔竟文粹遊踐，霜露日沾沐。鈞渚
曲文粹池平，神臺層宇覆。陣雲埋夏首，窮陰慘荒谷。悵
矣舟壑遷，悲哉年代倏。雖異三春望，終傷千里目。

金陵懷古

唐堯臣

晉末英雄起神器，淪荒服。胡月蝕中原，白日昇暘谷。金

陵實形勝閔山固重複巨壑隍北墉長江塹西隩鑿山
擬高華穿地象伊穀草昧席羅圖華路戴黃屋一時因
地險五世享天祿禮樂何煌煌文章紛郁郁多士春林
秀作頌清風穆出入三百年朝事幾翻覆挽捨如雲勃
鯨鯢旋自曝倦聞金鼎移驟覩靈龜卜吁嗟王氣盡坐
悲天運倏天道何茫茫善淫乃相復行路偏疑衣半逐
疑亡大梁族日隱汀洲上艫艫登川陸月迴吳山樹風
聞楚江鵠因依蘭蕙聚採蘋不盈掬

峴山懷古

陳子昂

秣馬臨荒甸登高覽舊都
猶悲墮淚碣尚想卧龍圖
城邑遙分楚山川半入吳
邱陵徒自出贊聖幾凋枯
野樹蒼烟斷津樓晚氣孤
誰知萬里客懷古正踟蹰

白帝城懷古

前人

日落滄江晚停橈問土風
城臨巴子國臺沒漢王宮
荒服仍周甸深山尚禹功
崑懸青壁斷地險碧流通
古樹生雲際孤帆出霧中
川途去無限客思坐何窮

洛川懷古

劉希夷

萋萋春風綠悲歌
牧征馬行見白頭翁
坐泣青竹下感歎
前問之贈余辛苦詞
歲月移今古山河更
盛衰晉家都洛濱
朝廷多近臣詞賦歸
潘岳繁華稱李倫
紫一作梓

澤春草菲河陽亂
花飛綠珠不可奪
白首同所歸
高樓倏冥滅茂林久
摧折昔時歌舞臺
今成狐兔穴
人事互消亡
世路多悲傷
北邙是吾宅
東岳為我鄉
君看北邙道
觸髅繁蔓草闕

碑塋或半存

荆棘斂幽魂揮涕棄之去不忍聞此言

巫山懷古

前人

巫山幽陰地神女艷陽年襄王伺容色落日望悠然歸
來高堂夜金釭燭青烟顏想卧瑤席夢魂何翩翩搖落
殊未已榮華倏徂遷愁思瀟湘浦悲涼雲夢田猿啼秋
風夜鴈飛明月天巴歌不可聽聽此益潺湲

蜀城懷古

前人

蜀土遶水竹吳天積風霜窮覽通表裏氣色何蒼蒼舊

國有年代青樓思艷粧古人無歲月白骨冥邱荒寂歷
彈琴地幽流讀書堂玄龜埋卜室米鳳滅詞場陣圖一
一在栢樹雙雙行鬼神清漢廟烏雀叅秦倉歎世已多

感懷心益自傷

一作歎逝日已多感懷心自傷

賴蒙靈邱境時當

一作釣

明月光

商洛山行懷古

張九齡

園綺直秦末嘉遁此山阿陳迹向千古荒途始一過
碩人久淪謝喬木自森羅故事昔常覽遺風今豈訛泌泉

金史口乃ノ三
卷三百
空活活樵叟獨皤皤是處清輝滿從中幽興多常懷赤
松意復憶紫芝歌避世辭軒冕逢時解薜蘿盛明今在
運吾道竟如何

廣武懷古

楊浚

河水城下流登城望彌愜海雲飛不斷岸草綠相接龍
門無舊場武牢有遺堞扼喉兵易守捫指計何捷天奪
項氏謀卒成漢家業鄉山遙可見西顧淚盈睫

再登河陽城懷古

朱延

客遊倦旅思憇駕陟崇墉元凱標竒跡安仁擅美蹤遠
近濁河流出沒青山峯竹想空不極懷古悵無從

瞿唐懷古

杜甫

西南萬壑注勅敵兩崖開地與山根裂江從月窟來削
成當白帝空曲隱陽臺䟽鑿功雖美陶鈞力大哉

登廣武楚漢古城

集作登廣武
古戰場懷古

李白

秦鹿奔野草逐之若飛蓬項王氣蓋世紫電明雙瞳呼

吸八千人橫行起江東赤精斬白蛇叱咤入關中兩龍
不並躍五緯與天同楚滅無英圖漢興有成功按劍清
八極歸酣歌大風伊昔臨廣武連兵決雌雄分我一杯

羹太皇乃爾

集作汝

翁戰爭有古跡壁壘頽層穹猛虎嘯

洞壑饑鷹獵

集作鳴

秋空翔雲列曉陣殺氣赫長虹撥亂

屬豪聖俗儒安可通沈湎呼監子狂言非至公拊掌黃
河曲啗啗阮嗣宗

月夜金陵懷古

前人

蒼蒼金陵月空懸帝王州天文列宿在霸業大江流綠

水絕馳道青松摧古邱臺傾鳩鵲觀宮沒鳳凰樓別殿

悲清暑芳園罷樂遊一聞歌玉樹蕭颯

集作瑟

後庭秋

一作

千古不勝愁

秋夜獨坐懷古

前人

少

集作小

隱慕安石遠遊學子平天書訪江海雲卧豈

一作

起咸京入侍瑤池宴出陪玉輦行誇胡新賦作諫獵短

書成但奉紫霄顧非邀青史名莊周空說劍墨翟耻論

兵拙薄遂踈絕歸閑事耦耕顧無蒼生望空愛紫芝榮

牢

集作
寥

落暝霞色微茫舊壑情秋山綠蘿月今夕為誰

明

此詩集以懷故山為題語亦相應今英華作懷古

故入此門恐誤

登敬亭山南望懷古贈竇主簿

前人

敬亭一迴首目盡天南端仙者五六人多

集作
常

聞此遊

盤溪深

集作流

琴高水石聳麻姑壇白龍降陵陽黃鶴叫

子安羽化騎日月雲行翼鵞

集作鵞

鸞下視宇宙間四溟空

集作皆

波瀾決絕目下事從之復何難百年

集作歲

落半途

前期浩漫漫強食不成味清晨起長嘆願隨子明去煉
火燒金丹

鄴中

間氣集作城

懷古

孟雲卿

朝

間氣集作欲

發淇水南將盡北燕路魏家舊城闕寂寞無

人住伊昔天地閉曹瞞

一作公

獨守

一作中

據羣臣將北面

白日忽西暮三臺竟寂寞

一作寧

萬代良難固

一作萬事難長固

雄豪

一作圖

安在哉衰草沾霜露崔嵬長河北尚應想劉

墓古樹藏乖龍

一作龍蛇

荒茅伏秋兔永懷故池館數子連

章句逸興驅山河雄辭變雲霧我行覩遺跡精爽如可

一作相遇丰酒將酌君悲風白楊樹

出蕭關懷古

陶翰

驅馬擊長劍行旅至蕭邊悠然五原上永眺關河前北
虜三十萬此中常控弦秦城亘宇宙漢帝理戎旃刁斗

鳴不息羽書日夜傳五軍計莫就三策議空全大漠橫
萬里蕭條絕人烟孤山常瀚海白日照初連愴矣苦塞
奏懷哉式微篇更悲秦城月夜夜出胡天

南楚懷古

劉長卿

南國久蕪漫我來

一作生

空鬱陶君看章華宮處處生黃

蒿但見陵與谷豈知賢與豪精蒐託古木寶玉捐江華

倚棹下晴景迴舟隨晚濤碧雲暮寥落湖上秋

集作青天

高往事那堪問此心徒自勞獨餘湘水上千載聞離騷

春草宮懷古

前人

君王不可見芳草舊宮春猶帶羅裙色青青向楚人

金陵懷古

司空曙

輦路江楓盡

詩選作暗

宮潮野草春傷心庾開府老作北朝

臣

湘中懷古

戴叔倫

昔人從逝水有客弔秋風何意千年隔論心一日同楚
亭方作亂漢律正酌功倏忽桑田變讒言亦已空

京口懷古

前人

大江橫萬里古渡渺千秋浩浩波聲險蒼蒼天色愁三
方歸漢鼎一水限吳州霸國今何在清泉長自流

湘州懷古

釋清江

瀟湘連汨羅復對九疑河浪勢屈原塚竹聲漁父歌地
荒征騎少天暖谷禽多脉脉東流去古今同奈何

蕪城懷古

李端

風吹城上樹草沒城邊路城上明月時精靈夜來去

金陵懷古

劉禹錫

潮滿臺城渚日斜征虜亭芳洲新草綠幕府舊烟青興
廢由人事山川空地形後庭花一曲幽怨不堪聽

西塞山懷古

前人

西晉樓舫下益州金陵王氣漠

一作黯

然叔千尋鐵鎖沉

江底一片降幡出石頭人世幾回傷往事

一作荒死至
今生茂草

山形

一作
古城

依舊枕寒流今逢四海為家日故壘蕭蕭蘆

荻秋

一作而今四海歸皇
化兩岸蕭蕭蘆荻秋

一作皆唐宋類詩

荆門道懷古

前人

南國山川舊帝畿，宋臺梁館尚依稀。
馬嘶古樹行人歇，麥秀空城野雉飛。
風吹葉落填宮井，火入荒墳化寶衣。
徒使詞臣庾，開府咸陽終日苦思歸。

西江懷古

杜牧

上吞巴漢控瀟湘，怒似連山靜鏡光。
魏帝縫囊真戲劇，符堅投箠更荒唐。
千秋釣艇集作舸歌，明月萬里沙鷗弄。
夕陽范蠡清塵何寂寞，好風唯屬往來商。

汴口

集作河

懷古

前人

錦纜龍舟隋煬帝平臺複道漢梁王遊人還

集作閑

起前

朝念折柳孤吟斷殺腸

姑蘇懷古

許渾

宮館餘基輟棹過黍苗無限獨悲歌荒臺麋鹿爭新草

空苑鳧鷗占淺莎江上

集作吳岫

雨來虛檻冷海邊風起

集作

楚江風急 遠帆多可憐國破忠臣死日月東流生白波

金陵懷古

于瀆

館娃宮畔顧國變生嬌妬勾踐膽未嘗夫差心已誤吳
七廿已矣越勝今何處當時二國君一種邊江墓

金谷懷古

前人

黃金嬌石崇與晉爭國力更欲住人間一日買不得行
為忠信住身是文章宅四者俱不聞空傳墜樓一作客

楚江懷古三首 蒼葭

又玄集
作蒼山

馬戴

露氣寒光集微陽下楚邱猿啼洞庭樹人在木蘭舟廣

澤生明月蒼葭夾亂流雲中君不降竟夕自悲秋

二

驚鳥去無際寒蛩鳴我傍蘆洲生早霧蘭隰下微霜列
宿分窮野空流注大荒看山候明月聊自整雲裝

三

野風吹蕙帶驟雨滴蘭橈屈宋魂冥冥江山思寂寥陰
霓侵晚一作反景海樹入迴潮欲折寒芳薦明神拒可招

釣臺懷古

劉駕

澄流可濯纓巖子但垂綸孤坐九層石遠笑清渭濱
龍飛上天四海豈無雲清氣不零雨安使澆詩選埃塵作洗
我來吟高風髣髴見斯人江月尚皎皎江石亦磷磷如
何臺下路明日又迷津

建鄴懷古

楊 乘

故城故壘滿江濱盡是干戈舊苦辛君見即須知帝里
一作生來便作太平人

秣陵懷古

李羣玉

野花黃葉舊吳宮六代豪花

一作華

燭散風龍虎勢衰佳

氣歇鳳凰名在故臺空市朝遷變秋蕪綠墳壠高低落
照紅霸業鼎圖人去盡獨來惆悵水雲中

汴河懷古二首

皮日休

萬艘龍舸綠絲間載到揚州盡不還應是天教開汴水
一千餘里地無山

二

盡道隋亡為此河至今千里賴通波若無水殿龍舟事

共禹論功不較多

金陵懷古

崔塗

葦聲蕭颯水天秋
吟對金陵古渡頭
千載是非輸蝶夢
一罇風雨屬漁舟
若無仙分應湏老
幸有青山即合休
何必登臨更惆悵
比來人世只如浮

青山

集作
山歸

比來人世

集作本
來身世

南海石門戍懷古

陳陶

漢家征百越落

疑

地喪貔貅大野朱旗沒
長江赤血流

鬼神尋覆族宮廟變荒邱唯有朝臺月千年照戍樓

塗山懷古

前人

落拓書劍晚清秋鷹正籠塗山間來上敬愛如登龍覽
古覺神王翛然天地空東南更何有一醉先生風惟昔
放勲世陰晦徹一作亂成洪皇圖化魚鱉天道漂無蹤帝

乃命舟楫掇芳儒素中高陳九州力百道驅歸東舊物
復光明洪爐再埏鎔經門不私子足知一作示天下公亮

曰疑那並生唐虞禪華蟲茲山朝萬國一賦寰海同十

載有區寓秋毫皆帝功
垂衣不驕德子桀如何聾握髮
聞禮賢葺菲見卑宮
凡夫色難事神聖安能一作龍恭道
隱三十年遺芳播笙鏞
當時執圭處佳氣仍童童
海嶼儼清廟天人盛祇供
玄恩及花木丹讖名崆峒
異代草澤臣何由樹勲
庸堯階未嘗識誰信平生
忠恨不當際會預為執鞭
僮勞歌下山去懷德心無窮

春日秦國懷古

周朴

荒郊一望欲消魂
溼水縈紆傍遠村
牛馬放多春草盡

原田耕破古碑存雲和積雪蒼山晚烟伴殘陽綠樹昏
數里黃沙行客路一作路客不堪回首思秦原

望中懷古

前人

齊心樓上望浮雲萬古千秋空姓名堯水永消天際去
姬風一變世間平高蹤盡共天一作烟霞在大道長將白

日明

一作日月

從此安然寰海內後來無復謾相傾

謝公亭懷古

張喬

謝家烟徑長莓

一作蒼

苔牢落虛欄

一作欄

竹上開流水不

將山色去閑雲時帶角聲來六朝舊跡遺詩在三楚空
江有鴈迴達理始應惆悵盡因僧清話憶天台

咸陽懷古

韋莊


城邊人倚夕陽樓城上雲凝萬古愁山色不知秦苑廢
水聲空傍漢宮流李斯不向倉中死徐福應無物外遊
莫怪楚吟偏斷骨野烟踪跡似東周

金陵懷古

王貞白

恃險不種德興亡歎數窮石城幾換主天塹謾連空御

路豐民塚臺基聚牧童折碑猶有字多記晉英雄



文苑英華卷三百八

欽定四庫全書

集部

文苑英華卷三百九

詳校官太僕寺少卿_臣李廷欽

助教_臣常循覆勘

總校官進士_臣朱 鈐

校對官中書_臣王鍾泰

謄錄監生_臣張 麟

欽定四庫全書

文苑英華卷三百九

宋 李昉等 編

悲悼九

遺跡四十八首

登石頭城

何遜

開域乃形勝地險嗟非一馬嶺遂縈一作紆迴犬牙傍陰

一作崒百雉極襟帶億庾兼量出旋作入至理無窮形

為善竟何恤眺聽窮耳目遠近備幽恚擾擾見行人輝

輝視落日連檣入回浦飛憶交長術天暮遠山青潮去遙
沙出薄宦惡師表屬辭慚愈疾願乘轂鯨車還隱朦朧室

望郢州城

沈炯

覓今何處返非死復非仙坐柯如昨日石合未淹年歷
陽頓成浦東海果為田空憶扶風詠惟類聚作誰見峴山傳
世變才良改時移民物遷悲哉孫騾騎悠悠哭彼天

遊梁城

盧思道

揚鑣歷汴浦迴扈

一作

入梁墟漢藩文雅地清塵暖有

餘賓遊多任俠臺苑盛簪裾歎息徐公劍悲涼鄒子書
亭舉落照盡原野
五寒初烏散一作息空城夕烟銷古樹
踈東越巖子陵西蜀馬相如脩名竊所慕長謠獨課虛

過故鄴

段君彥

玉馬芝蘭北金鳳鼓山東舊國千門廢荒壘四郊通深
潭直有菊澗井半生桐粉落粧樓毀塵飛歌殿空雖臨
玄武觀不識紫微宮年代俄成昔唯餘風月同

遊隋故都

陸敬

洛城聊顧步長想遂留連水關宮初毀風變鼎將遷羣

陶德不見

一作建

汾隅似忽焉宗祊曠無象聲朔緬誰傳

粉榆何冷落未忝鬱芊綿悲歌盡商頌太息憫周篇來

蕪竹聖德濡足乃承

一作乘

乾正始淳風被人勞用息肩

舞象人思澤偃伯武功宣則百昌厥後於萬承斯年茲

辰素商節仄管變星躔平原悴秋草喬木歛寒烟翻黃

墜踈葉凝翠積高天參差海曲鴈寂寞柳門蟬興悼今

如此悲愁復在旃徬徨不忍去杖策屢迴還

和周記室遊舊京

孫萬壽

大夫愍周廟王子泣殷墟自然心斷絕何關係慄舒余
本漳濱士舊國亦淪胥紫陌風塵起青氈冠蓋踈臺留
子建賦宮薄仲將書譙周自題柱商容詎表閭聞君懷
古曲同病亦漣如

夕次舊吳

駱賓王

維舟背楚服振策下吳畿盛德弘三讓雄圖抗九圍黃
池通霸迹集作業赤壁長一作暢戎威文物俄遷謝英靈有

盛衰行歎鷓鴣夷沒遽惜湛盧非地古烟塵暗年深館宇
稀山川四望是人事一朝非懸劍空留信七珠尚識機
陣風遙可託關月渺一作難依西北雲逾滯東南氣轉

微徒思袁伯隱

集作徒懷

多謝買臣歸唯有荒臺露薄暮濕

征衣

北使長城

王無兢

秦世築長城長城無極已暴兵四十萬興工九千里死
人如亂麻白骨相撐委殫瘼未云悟窮毒豈知止胡塵

未北滅楚兵遽

一作遂

東起六國遂

一作復

囂囂兩龍鬪齧

鬻卯金竟握讖反壁俄淪圮仁義寢邦國徂暴行終始

一旦咸陽宮翻為漢帝

一作朝市

過漢故城

吳少微

大漢昔未定強秦猶擅場中原逐鹿罷高祖鬱龍驤經
始謀帝坐茲焉壯未央規模窮棟宇表裏浚城隍羣后
崇長樂中朝增建章鈎陳被蘭綺樂府奏芝房翡翠明
珠帳鴛鴦白玉堂清晨寶鼎食閑夜鬱金香天馬來東

道佳人傾北方何其赫隆盛自謂寶靈長歷數有時盡
哀平嗟不昌冰堅成巨猾火德遂頽綱奧位匪虛校貪
天竟速亡竟神吁社稷豺虎闢巖廊金秋狄移灞岸銅盤
向洛陽君王無處所年代幾荒涼宮闕誰家域葦蕪冒
我裳井田唯有草海水變成桑在昔高門內于今岐路
傍餘墓不可識古墓列成行狐兔驚魍魎鴟鶚嚇猶狂
空城寒日晚平野暮雲黃烈烈樊一作青棘蕭蕭吹白
揚千秋并萬歲一作萬歲後空使詠歌傷

經江寧覽舊跡至玄武湖

張九齡

南國更數世北湖方十洲
天清華林苑日晏景陽樓
暮

一作

龍舟七子陪詩賦
千人和棹謳
應言在鎬樂
不讓橫汾

一作

秋風俗因紆慢
江山成易由駒
王信不武
孫叔是無謀

佳氣日將歇
霸功誰與脩
桑田東海變
麋鹿姑蘇遊
否

運爭三國康
時劣九州山
雖幕府在館
豈豫章留水
淀

一作

還相閱
菱歌亦故道
雄圖不足問
難想事風流

巫山之陽香溪之陰明妃神女舊跡存焉

蔣冽

神女歸巫峽明妃入漢宮擣衣餘石在薦枕舊臺空行
雨有時度溪流何日窮至今詞賦裏悽愴寫遺風

經理輪地

前人

漢朝張御史晉國綠珠樓時代邈已遠共謝洛城秋洛
城大道邊此地尚依然下馬獨太息擾擾城市喧詩人
嘆綠珠詩滿金谷園千載埋輪地無人興一言正直死

猶忌况乃未死前
汨羅有翻浪恐是
媿屈原我聞太古
水上與天漢連如
何一落地又作九
曲泉萬古惟嵩少
可以旌我賢

五言登越州城

孫逖

越嶂繞層城登臨萬象清
封圻滄海合鄞閉鑿一作湖

明曉日漁商滿芳春掉唱行
山風搖美箭田雨潤香秔

代閱英靈盡人閑吏隱并
贈言王逸少已見曲池平

雜言丹陽行

前人

丹陽古郡洞庭陰落日扁舟北路尋傳是東南舊都處
金陵中斷碧江深在昔風塵起京都亂如燬雙闕戎虜
間千門戰場底傳聞一馬化為龍南渡衣冠亦願從石
頭橫帝里京口拒戎鋒青楓林下迴天蹕杜若洲前轉
國容都門不見河陽樹輦道唯聞建鄴鐘中原悠悠幾
千里欲掃撓搶未云已英雄傾奪何紛然一盛一衰如
逝川可憐宮觀一作館重江裏金鏡相傳三百年自從龍
見聖人出六合車書混為一昔年王氣今何在併向長安

就堯日荆榛草木開荒阡共道繁華不復全赤縣餘存
一作江樹月黃圖半入海人烟暮來山水登臨遍覽古
唯餘愁今淚如霰唯有空城多白雲春風淡蕩無人見

金陵

李白

六代興亡國三盃為汝

一作

歌苑方秦地少山似洛陽

多古殿吳花草深宮晉綺羅併隨人事滅東逝與

集作

滄波

秋夜板橋浦泛月獨酌懷謝朓

前人

天上何所有迢迢白玉繩斜低建章闕耿耿對金陵漢
水舊如練霜江夜清澄長川瀉落月洲渚曉寒凝獨酌
板橋浦古人誰可徵元暉難再得洒淚一作酒氣填膺

望鸚鵡州悲禰衡

前人

魏帝營八極蟻觀一禰衡黃祖斗筲人殺之受惡名吳
江賦鸚鵡一作鸚越一作鸚落筆超羣英鏘鏘振金玉句句欲飛
鳴鷲鸚鵡啄孤鳳千春傷我情五岳起方寸隱然詎可平

才高竟何施寧不集作寡識冒天刑至今芳洲上蘭蕙不忍

生

經下邳圮橋懷子房

前人

子房未虎嘯破產不為家滄海得壯士推秦博浪沙報

韓雖不成天地皆振動潛匿遊下邳豈曰非智勇我來

圮橋上懷古欽英風惟見碧水流集作流水曾無黃石公歎

息此人去蕭條徐泗空

越中覽古

前人

越王勾踐破吳歸義士還家盡錦衣宮女如花滿春殿
至今惟有鷓鴣飛

故絳行

杜 頤

君不見銅鞮觀數里城池已蕪漫君不見虎祁

文粹作祁
禡非

宮幾重臺榭亦微濛介馬兵車全盛時歌童舞女妖艷
姿一代繁華皆共絕九原惟望塚壘壘

題沈叅城

權 徹

蘇子卧北海馬翁渡南州迹悔事乃立功達名遂休皮

聞羽書至召募北邊州鐵騎耀楚甲玉匣橫吳鈎雪厚
羣山凍蓬飛荒塞秋久戍昌辭苦數戰期封侯不學豎
儒輩一經垂白頭

漂母岸

崔國輔

泗水入淮處南邊古岸存秦時有漂母於此饋王孫王
孫初未遇寄食亦何論後為楚王來黃金谷母恩事蹟
遺在此徒傷千載魂寒洲漲未解花壘草空繁一作徒
望淮陰日蒼蒼雲樹昏幾年崩處色每月落潮痕古地

多堙北時哉不敢言其夕淚沾裳遂宿蘆洲村

南浦望漢宮

司空曙

荒原空有漢宮名衰草茫茫雉堞平連鴈下時秋水在
行人過盡暮烟生西陵歌唱何年絕南陌登臨此日情
故事悠悠不可問寒禽野水自縱橫

過馬嵬三首

李益

路至墻垣問樵者顧予曰

集作云

是太真宮血染馬蹄盡

朱閣影當天際插青空

集作太真血染馬蹄盡朱閣影當天際空

丹壑不聞

歌笑

吹一作

夜玉階惟有薜蘿風世人莫重霓裳曲曾致

干戈是此中

二

金甲雲

集作銀

旗盡已回蒼茫羅袖隔紅埃濃香猶自隨

鸞輅恨魄無因離馬嵬南內真人悲帳殿東溟方士問

蓬萊惟留坡畔鸞環月時送殘蟬

集作娥

入帝

集作夜

臺

三

漢將如雲不直言寇來翻罪綺羅息託君莫

集作不

洗蓮

花血留寄千年妾淚痕

夜步次古城

楊衡

茫茫死復生惟有古時城夜半無烏雀花枝當月明

長城

鮑溶

蒙恬

集作公

虜生人北築秦氏冤禍興蕭牆內萬里防禍

源

集作根

城成六國亡宮觀豈

文粹作闕啓集作闕幾

千年生人半

為土何用空中原奈何家天下骨肉尚無恩

文粹作奈何天下人

骨肉尚酬恩

投沙擁海水安得久不翻乘高慘人神

文粹作寒

日易黃昏白

文粹作拈

骨貫折矢

一作鐵

砂中如有言萬歲

一作

世驪山下

文粹作萬古驪山

徒悲

文粹作誰知野火燔

雲夢故城秋望

戎昱

故國惟

一作遺

墟在登臨想舊遊一朝人事變千載水空

流夢渚鷗飛晚荆門樹色秋片雲凝不散遙掛望鄉愁

鄴中行

郭良驥

年去年來秋更春魏家園廟已成塵只今惟有西陵在
無復當時歌舞人

登司馬錯故城

秦昭王命錯征五溪蠻城在武陵沅江南

劉禹錫

將軍實

集作將

秦帥西南莫遐服故壘清江上蒼烟昧

集作

晦

喬木登臨值蕭辰周覽壯前躅塹平陳葉滿墉高秋

蔓綠廢井抽寒菜毀臺生穠谷耕人得古器宿雨多遺

鏃楚塞鬱重壘蠻溪紛詰曲留此數仞基幾人傷送

集作

日
遠目

過故洛城

白居易

故城門前春日斜
故城門裏無人家
市朝欲認不知處
漠漠野田飛草花

過洛陽城

于武陵

古來利與名俱在
洛陽城九陌鼓初起
萬車輪已行
周秦時幾變
伊洛水猶清
二月中橋路
鳥啼春草生

故洛陽城有感

杜牧

一片宮牆當道危
行人為爾集作汝去
遲遲華萼苑裏秋

風起一作後平樂館前斜
日時鈎黨豈能留
漢鼎清談空

解

集作識

笑胡兒千燒萬戰坤靈死慘慘終年鳥雀悲

登故洛陽城

許渾

禾黍離離半野蒿昔人城此豈知勞水聲東去市朝變
山勢北來宮殿高鴉噪暮雲歸古堞雁迷寒雨下空壕
可憐緱嶺登仙子猶自吹笙醉碧桃

過新豐

溫庭筠

一劍乘時帝業成沛公鄉里到咸京
寰區已作皇居貴
風日猶含白社清
泗水舊亭秋草變
十門遺瓦古苔生

至今留得離家恨，鷄犬相聞落照明。

馬嵬二首

李商隱

海外徒聞更九州

鄒行云九州外復有九州

他生未決

集作卜

此生休

空聞虎旅鳴宵柝，無復鷄人報曉籌。此日六軍同駐馬，當時七夕笑牽牛。如何四紀為天子，不及盧家有莫愁。

二

冀馬燕犀動地來，自埋紅粉自成灰。君王若道堪

集作能

傾國，玉輦何因過馬嵬。

南陽

皮日休

昆陽王氣已蕭疎，依舊山河捧帝居。
廢路塌平殘瓦礫，破墳耕出爛圖書。
綠莎滿縣年荒後，白鳥盈溪雨霽初。
二百年來霸王業，可知今日是邱墟。

早發鄴北經古城

聶夷中

微月東南雙牛耕，古城但耕古城地。
不知古城名，當昔置此城，豈料今日一作人耕。
蔓草已離披，狐兔何縱橫。
秋雲零落散秋風，集作風雨蕭條生對古良可嘆。
念今轉傷

情古人已冥冥今人又營營不知馬蹄下誰家舊臺亭

經故洛城

王貞白

下世何久遠由來仰聖明山河徒自壯周召不長生幾
主任姦諂諸侯各戰爭但餘崩壘在今古共傷情

金陵

前人

六代江山在繁華古帝都亂來城不守戰後地多蕪寒
日隨潮落歸帆與鳥孤興亡多少事回首一長吁

長城

羅鄴

當時無德御乾坤廣築徒教萬古存
謾役生民防極塞不知血刃起中原
珠璣旋見陪陵寢社稷何曾保子孫
降虜至今猶此說冤聲夜夜哭城根

經洛陽有感

前人

一片危墻勢恐人墻邊日月走蹄輪
築時驅盡千夫力崩處空遺數里塵
長嘆往來經此地每嗟興廢欲沾巾
那堪又向空城過錦雉驚飛麥隴春

臺城

羅隱

晚雲陰映下空城
六代纍纍夕照明
玉井已乾龍不起
金甌雖破虎曾爭
亦知霸世才難得
却是蒙塵事最平
深谷作陵山作海
茂宏流涕莫傷情

涕一作輩

同前

前人

潮平遠岸草浸沙
東晉衰來最可嗟
庾舅已能窺帝里

集作室

王郎還是御人家
山寒花樹嗟風雨
泉暖枯骸動

齒牙欲起九泉者
一遍秦淮聲急日西斜

江南

前人

玉樹歌聲澤國春
纍纍輜重憶亡陳
垂衣端拱渾閑事
忍把江山乞與人

江北

前人

廢宮荒苑莫閑愁
成敗終須要徹頭
一種風流一種死
朝歌爭得似揚州

新豐

唐彥謙

沛中歌舞百餘人
帝業功成里巷新
半夜素靈先哭楚
一星遺火下燒秦
貔貅掃盡無三戶
鷄犬歸來識四隣

惆悵故園前事遠
曉風長路起埃塵

文苑英華卷三百九

欽定四庫全書

文苑英華卷三百十

宋 李昉等 編

悲悼十

挽歌八十六首

彭城王挽歌

盧思道

旭旦禁門開隱隱靈輿發纔看鳳樓迴稍視龍山沒猶
陳五營騎尚聚三河卒容衛儼來歸空山照秋月

以下
三篇

並見初

學記

樂平長公主挽歌

粧臺

一作樓

對馳道吹臺臨景舍風入上春朝月滿涼秋

夜未言歌笑畢已覺生祭謝何時浴水濱芝田解龍駕

樂大夫挽歌二首

駱賓王

蒿里誰家地松門何代邱百年三萬日一別幾千秋反

照寒無影窮泉凍不流居然同物化何處欲藏舟

以下四篇

並見
集本

二

一旦先朝菌千秋掩夜臺青鳥新兆去白馬故人來草

露當春泣松風向夕哀寧知荒壠外淚

集作

鶴自徘徊

丹陽刺史挽詞二首

前人

百齡嗟倏忽一旦向

集作

山阿丹桂消亡盡青松哀思

多薰風應聽曲薤露反成歌自有藏舟處誰憐隙駒過

二

惻愴恒山羽留連棣萼篇佳城非舊日京兆即新天

集作

丹城郭三千歲丘陵幾萬年惟餘松栢壠朝夕起寒烟

故北平公主挽歌

上官儀

木落園池

集作林

曠庭空風露寒北里清音絕南陔芳草

殘遠氣猶生

初學記作標

劍浮雲尚寫冠寂寞琴臺晚秋陰

入井幹

上高密長公主挽歌

前人

湖渚韜靈跡娥臺靜瑞音鳳逐清簫遠鸞隨幽鏡沉霜
處華英落風前銀燭侵寂寞平陽宅月冷洞房深

永泰公主挽歌二首

吳兢

穠華從婦道，鰲降適諸侯。
河漢天孫合，瀟湘帝子遊。
關雎方作訓，鳴鳳自相求。
可嘆凌波迹，東川遂不流。

二

舜華徂北渚，宸思結南陽。
黷綬哀榮備，遊軒寵悼彰。
三川謀遠日，八水宅連岡。
無復秦樓上，吹簫下鳳凰。

戶部尚書崔公挽詞

崔融

八座圖書委，三台章奏盈。
舉盃常有勸，曳履忽無聲。
市若荊州罷，池如薛縣平。
空餘南斗劍，天子署高名。

韋長史挽歌

前八

日落桑榆下寒生松栢中
冥冥多苦霧切切有悲風
市兆新阡濶扶陽甲第空
郭門從此送荆棘漸朦朧

馬武騎挽歌二首

李嶠

五日皆休沐三泉獨不歸
池臺金闕是樽酒璫筵非
巷靜遊禽入門閑過客稀
惟餘昔年鳳尚遶故樓飛

二

昔下天津館帝過帝子家
夜傾金屋酒一作盃春舞玉臺

花試馬依紅埽吹簫弄紫霞誰言東郭路翻作北門車

武三思挽歌

前人

玉匣金為縷銀鈎石作銘短歌傷薤曲長暮泣松扃事
往昏朝霧人亡折夜星忠賢良可惜圖畫入丹青

天官崔侍郎夫人盧氏挽歌 前人

寵服當年盛芳魂此地窮劍飛龍匣在人去鵲巢空簾
愴孤生竹琴哀半死桐惟當青史上千載仰嬪風

梁宣王挽詞三首

宋之問

貴藩堯母族外戚漢家親業重興王際功高復辟辰愛
君惟報國樂善不防身今日衣冠送空傷置醴人

二

金精何日閉玉匣此時開東望連吾宇南瞻近帝臺地
形龜食報墳土燕銜來可嘆虞歌夕紛紛騎吹迴

三

豫設千名在平生萬事違綵旂翻寶

一作
葆

吹圭翣奠靈

衣墮日寒無影交

一作
郊

雲凍不飛君王留此地駟馬欲

何歸

魯忠王挽詞三首

前人

同盟會五月歸葬出三條日慘咸陽樹天寒渭水橋稍
看朱鷺轉尚識紫騮驕寂寞泉臺恨從茲罷玉簫

二

邦家錫寵光存沒貴忠良遂裂山河地追尊父子王人
悲槐里月馬踏槿原霜別向天京兆悠悠此路長

三

樹羽迎朝日撞鍾望早霞故人悲宿草中使慘晨笳氣
有衝天劍星無犯斗槎惟餘孔公宅長接魯王家

范陽王挽詞二首

前人

賢相稱邦傑清流舉代推公才掩諸夏文體變當時賓
弔翻成鶴人亡惜喻龜洛陽今紙貴猶寫太冲詞

二

贈袁徽章洽求書秘草成容隨朝露盡人逐夜舟驚蒿
里衣冠送松門印綬迎誰知揚伯起今日重哀榮

故趙王屬贈黃門侍郎上官公挽詞二首

常門旌舊德，班氏業前書。
謫去因丞相，歸來為婕妤。
周原烏相塚，越嶺鴈隨車。
冥漠辭昭代，空憐賦子虛。

二

練車隨帝子，青鎖翊宸機。
昔往朝歌騎，今虛夕拜闈。
柳河悽挽曲，薤露濕靈衣。
一厝一作昔窮泉壤，一作開雙鸞遂不飛。

同前

李 人

暮歸泉壤幽

一作隔

朝發城池戀漢疇結愁陰秦川

一作陵

下悲靈駸駸百駟馳憫憫羣龍餞石馬徒自施玉人終不見

故西臺侍郎上官公挽歌

前人

寓內文儒重朝端禮命優立言多啓沃論道盛謀猷顧日琴安在衝星劍不留徒懷東武祿更掩北原邱

高安公主挽歌二首

前人

湯沐三千賦樓臺十二重銀鑪稱貴子

一作幸

玉輦盛過

蓬壺則留中饋娥輝没下春平陽百歲後歌舞為誰容

二

賓衛儼相依橫門啓曙扉

一作
暉

靈陰蟾兔缺仙影鳳凰

飛一水秋難渡三泉夜不歸况臨青女節瑤草更前衰

淮陽公主挽歌

玉顏生漢渚金縷化卽塵湯沐榮天女哀榮感路人鳳
凰曾作伴螻蟻忽為親疇日成蹊處穠華不復春

天官崔侍郎夫人盧氏挽歌 沈佺期

偕老言何謬香魂事果違
潘魚從此隔陳鳳宛然飛
埋鏡泉中暗藏燈地下微
猶憑少君術髣髴覩容輝

章懷太子靖妃挽詞

前人

彤史佳聲載青宮懿範留形
將鸞鏡隱魂伴鳳笙遊送
馬嘶殘日新塋落晚秋不知
蒿里曙空見壠雲愁

秦州薛都督挽詞

前人

十里絳山幽千年汾水流
碑傳門客建劔是故人留隴
樹烟含夕山門月對秋
古來鍾鼎盛共盡一蒿邱

崔尚書挽歌

張說

相宅隆坤寶承家占海封
庭中男執鴈門外女乘龍
鳴玉遊三省擬金待九重
一朝賓客散留劍在青松

以下四篇

並見
集本

右丞相蘇公挽詞

前人

王宰丹青化春卿禮樂才
緇衣傳舊職華袞贈新哀
路泣羣官送山嘶駟馬迴
佳城無白日賓閣有青苔

崔司業挽詞

前人

像設存華館威儀下墓田鳳池傷舊草麟史泣遺篇帷
蓋墟烟没干旌壠日懸古來埋玉樹流恨盡集作滿山川

李工部挽詞

前人

宅兆西陵上平生雅志從城臨丹闕近山望白雲重會
葬知元伯看碑識蔡邕無由接神理揮涕向青松

贈司徒豆盧府君挽詞

蘇頌

寵贈追湖廣親臨比賀循幾聞投誅客多會服總人草
閉墳將古松陰一作深地不春二陵猶可望存沒有忠臣

故右散騎常侍侍讀舒國公褚公挽歌

陽翟疏豐構臨平演慶源學筵尊授几儒服寵乘軒
諭留中密開陳與上言徂輝一不惜空有賜東園

故高安大長公主挽詞

前人

彫

一作形

管絃師訓青圭備禮容孟孫家代寵元女國朝

封柔軌題貞順閑規賦肅雍寧知落照盡霜吹入悲松

故徐州刺史贈吏部侍郎蘇公挽詞

張九齡

韋元方繼相荀爽復齊名在貴兼天爵能賢出世卿學

聞金馬縱

集作詔

神見玉人情藏壑今如此為山遂不成

故滎陽郡君蘇氏挽詞二首 前人

門緒公侯列嬪風詩禮行松蘿方有寄桃李忽無成
去雙龍別雛哀九鳳鳴何言嶧山樹還似半生情

二

永嘆芳魂斷行看草露滋二宗榮盛日千古別離時竟

罷生香

集作弱

贈空留畫扇悲客車候曉發何處是歸期

眉州康司馬挽歌

前人

家授專門學人稱入室賢劉楨徒有氣管輅獨無年謫
去長沙國魂歸京兆阡終集作來匣中鏡埋沒罷衝天

故太常卿贈禮部尚書李公及夫人挽歌二首

蔣溪

白簡常持憲黃圖復尹京能標百郡則威肅一朝清典
秩崇三禮臨戎振五兵更聞傳世業才子有高名

二

封樹遵同穴生平此共歸鏡埋鸞已去泉掩鳳何飛薤
挽疑茄曲松風思翟衣易名將寵贈泉路滿光輝

故太子太師徐公挽歌四首 王維

功德冠羣英彌綸有大名軒皇用風后傳說是星精就

第優遺老來朝詔不名

疊押
名字

留侯常

集作
嘗

辟穀何苦不

長生 以下五篇並見集本

二

謀猷為將相翊贊奉宸

集作
乘

輿履劔升前殿貂蟬託後

車齋侯疏土宇漢室賴圖書僻處留田宅仍纔十畝集作

項餘

三

舊里趨庭日新年置酒辰聞詩驚渚客獻賦鳳樓人北
首辭明主東堂哭大臣猶思御朱輅不惜汙車茵

四

久踐中台座終登上將壇誰將斷車騎空憶盛衣冠風
日咸陽慘笳蕭渭水寒尤人當思闕應罷太師官

故西河杜太守挽詞

前人

天上去西征雲中護北平生擒白馬將連破黑鵬城忽
見芻靈善徒聞竹使榮室留左氏傳誰繼卜商名

吏部達奚侍郎夫人寇氏挽詞二首

前人

束帶將朝日鳴環映牖辰能令諫王主相助識賢人遺
挂空留壁廻文日覆塵金蠹將畫柳何處更知春

二

女史悲彤管夫人罷錦軒卜啓瞻二室行哭度千門愁
日光能淡寒川浪自翻一朝成萬古松柏暗平原

故右丞相贈太師燕文貞公挽詞二首

孫逖

海內文章伯朝端禮樂英一言興寶運三人濟蒼生命
與才相偶年將位不并台星忽已折流慟軫皇情

二

甲第三長戟高門四列侯已成冠蓋里更有鳳凰樓人

卅方為樂生涯遽若休空為

一作餘

掌綸地傳慶與千秋

故陳州刺史贈兵部尚書韋公挽歌

前人

奕葉金章貴連枝鼎位尊
台庭為鳳穴相府是鵠原
世閱空悲命泉幽不返魂
惟餘漢臣史經術贊韋門

故程將軍妻南陽郡夫人樊氏挽歌

前人

德配程休甫名高魯季姜
寵縈蒼玉佩宴曼辭金堂
白

日期偕老幽泉忽悼亡國風猶在詠江漢近南陽

故女道士婉儀太原郭氏挽歌二首

劉長卿

作範宮闈睦歸真藝業

集作道藝

超馭風仙路遠背日

集作月

帝居

集作宮

遙鸞殿空留處霓裳已罷朝淮王哀不盡松

栢但蕭蕭

以下十篇並見集本

二

宮禁恩

集作思

長隔神仙道已分人間驚早露天上失朝

雲逝水年無限佳城日易曛
簫聲浮薤曲哀斷不堪聞

玉清公主挽詞

張謂

學鳳年猶少乘龍日尚賒
初封千戶邑忽駕五雲車
地接金人岸山藏玉女家
秋風何太早吹落禁園花

故僕射裴公挽歌三首

岑參

盛德資邦傑嘉謀作冊程
門瞻駟馬貴時仰八裴

晉人八裴

一作龍禁罷市秦人送還鄉
絳老迎莫埋丞相邱留著付

元成

二

二府

一作五府

瞻高位三台喪大賢禮容還故絳寵贈冠

集作

過新田氣散汾陽鼎魂飛京兆天

一作

先時劍已沒壟

樹久蒼然

三

富貴徒言久鄉閭沒後歸錦衣都未着丹旌忽先飛哀
挽辭秦塞悲笳出帝畿遙知九原上漸遠弔人稀

故國相公挽歌二首

李嘉祐

丈若為全德留侯是重名論功長不宰因病得無生大
夢依禪定高墳仰化成自應憐寂滅人世但傷情

二

共美持衡日皆言折檻時蜀臣

集作侯

供廟畧漢主缺

一作

闕

台司車馬行仍止笳簫咽又悲今年杜陵陌

集作陌殄

瘁泣遲遲

集作百
花遲

故吏部韋郎中贈給事中挽歌

前人

神理今何在斯人竟若斯
顏淵徒有德伯道且無兒
白髮今悲老青雲數有奇
誰言夕郎拜翻向夜臺悲

故相國苗公挽歌

錢起

灞陵誰寵葬漢主念蕭何
盛業留青史浮雲逐逝波
龍雲仍作雨薤露已成歌
愴悽平津閣秋風弔客過

鄴公合祔挽歌

顧況

草露前朝事荆茅聖主封
空傳餘竹帛永絕舊歌鍾
清鏡無雙影窮泉有幾重
笳簫最悲處風入九松原

相國晉公挽歌二首

玉節朝天罷洪爐造化新中和方作聖太素忽收神
德橫千古高標出四隣欲知言不盡處處有遺塵

二

凝笳催曉奠丹旆向青山夕照新塋近秋風故吏還
本期光漢代從此掃胡關今日天難問浮雲滿世間

晉公魏國夫人柳氏挽歌

前人

魚軒海上遙鸞影月中銷雙劍來時合孤桐去日凋
夕

陽迷隴隧秋風咽笳簫畫翼無留影銘旌已度橋

義川公主挽詞

前人

弄玉吹簫後湘陵鼓瑟時月邊丹桂落風底白楊悲雜
珮分泉戶餘香出總帷夜臺飛鏡匣偏共掩娥眉

張丞相挽歌

李端

素旆低寒水清笳出曉風鳥來傷賈傅馬立禍滕公松
栢青山上城池白日中一朝今古隔唯有月明同

西河郡太原守張夫人挽歌

李峰一作本

鵲印慶仍傳魚軒寵莫先從夫元凱貴訓子孟軻賢龍
是雙歸日鸞非獨舞年哀榮今共盡悽愴杜陵田

故太尉蕪中書令贈太師西平郡王挽歌

權德輿

翊戴推元老謀猷合大君河山封故地金石表新墳
履歸長夜笳蕭咽暮雲還經誓師處薤露不堪聞

以下十一篇並見集本

故司徒蕪侍郎贈太傅北平郡王挽詞

前人

授律勲庸盛居中鼎萬和佐時調四氣盡集作宣力靜三

河忽訪天京兆空傳漢伏波今朝麟閣上偏軫聖情多

贈梁國惠康公主挽歌 前人

外館嬪儀貴中參睿渥深初笄橫白玉盛服縷集作縷黃

金鳳度簫聲遠河低婺彩沉夜臺留冊謚悽愴有集作即

徽音

贈魏國憲穆公主挽詞 前人

漢制榮儀

集作申

服周詩美肅雍禮尊同聖主恩賜大明

封外館留圖史陰臺

集作堂

閱德容睿慈歌薤露千古仰

芳蹤

湖南觀察史故相國袁公挽歌二首

前人

五驅龍虎節一入鳳凰池
令尹自無喜羊公人不疑
天歸京兆日葉下洞庭時
湘水秋風至淒涼吹素旗

二

丹旒發江舉人悲鴈亦號湘南罷亥市漢上改詞曹表
墓雙碑立尊名一字褒常聞平楚獄為報里門高

恭王故太妃挽歌二首

元 稹

燕姑貽天夢梁王盡孝思雖從魏詔葬得用漢官儀
儀 藩月殘光歛寒簫度曲遲平生逢恩地哀挽欲何之
作集

二

文衛羅新壙仙娥掩暝山雪雲埋隴合簫鼓望城還寒
樹風難靜霜郊夜更寒哀榮深孝嗣儀表在河間

元相公挽歌三首

白居易

銘旌官重威儀盛，騎吹聲繁鹵簿長。
後魏帝孫唐宰相，六年七月葬咸陽。

二


墓門已閉笳蕭遠，惟有夫人哭未_{集作}休。
蒼蒼露草咸

陽壟，此是千秋第一秋。

三

送葬萬人皆慘澹，反虞駟馬亦悲鳴。
琴書劍佩皆收拾。

三歲遺孤新學行



文苑英華卷三百十